

Proklematie Prins Werner 1^e & Prinses Manon 1^e

Ich Prins Werner 1^e, wonende in de Dr. Poelssjtraot, mèt roots in 't Marotteriek, veurzitter van SV Hulsberg, verkuiper van 'n lekker glaas Brand beer, mèt aan mien ziej, mien vrouw: Prinses Manon 1^e, gebaore es Taarbrook in Sjömmert en besjtuurslid van de zjwömvereiniging in Hölsberg.

Saame zeen veer trotse ouwersj van Jody, Evy, Julie en Lynn en lid van CV Kiek Mer. Biegesjtange door president Naud en de wieze Raod van 11 maake veer bie deze bekènt:

Ten ièsjte:

Veer zègge sorry taegge al die leef luuj wo veer de aafgeloupe waeke taegge höbbe gelaoge, mer örgens waard geer 't auch zelf sjöld, mit al die lestige vraege!

Ten twiède:

Dit Prinsepaar veult zich de Köning te riek en is hiël erg bliej, dat veer maoge veurgaon mèt veer hofdames aan ós ziej.

Ten derde:

Dat noe veer dit seizoen in 't Beumerwald maoge veurgaon, ós aktiviteite veur voetbalclub en zjwömbus op een klein pitje zölle sjtaon.

Ten veerde:

Dat ondanks dat ze Op de Trepkes al meer dan 100 jaor Amstel sjènke, veer dizze Vastelaovend zowaal in de kaffee es in de zaal Brand gaon drènke.

Ten vijfde:

Al die wegwerkzaamhede en omleidinge in os dörp kenne ós verrèkke, ós optochcomité zal d'r zeker veur zörge dat d'n optoch weer zal trèkke.

Ten zèsde:

Ós vrunj van Kiek Mèr zölle 't dit jaor zonger ós twee motte doon, mer gelökkig maoge Manon en ich dan noe auch 'ns hoog op de waage sjtaon!

Ten zevende:

Al weurd 't aantal kroegje in ós dörp sjteeds minder, leef kasteleins, maak uch gein zörg, veer zeen d'r!

Ten achtste:

Veer kènne gein noat laeze en houte zelde maot,
mer genete intens van ós muziekvereniging op sjtraot.

Ten neugende:

Same mit ós medebeheerders eupene veer dagelijks de sjepeeltuin aan 't Beatrixplein,
mer de kans dat dae mit de Vastelaovend voor 11oer aoep geit, is heel klein.

Ten tiende:

Jaomer genug sjeije de Geliënde d'r nao 30 jaor mèt oet,
mer op de 40+ zitting brènge zie nog eine kiër sjtömming in de boet!

Ten èlfde:

Ós mama's zètte dees daag op de iërsjte rieje,
en ós papa's zeen d'r van baove bieje.

Ós motto veur dizze vastelaovend is:

De Hölsbergse Vastelaovend is veur ekerein,
veer viere same mèt groot en klein.

Zolang veer dat mer in ós eige Beumerwald blieve doon,
zal de sjaone Vastelaovend hie altied blieve besjtaon!

Aldus gegaeve op 23 november 2024, te Hölsberg

Prins Werner 1^e & Prinses Manon 1^e